

黃鶯兒樓閣老忠賢爲讒邪落塹淵一家零散如飛霰形  
分鏡鸞恩離枕鴛鴦訪衷情不見生前面恨綿綿何時同  
穴重締再生緣貼送酒悲介

前腔俄爾太山顛望中堂散冷烟花殘玉病愁何限血流  
草川人離故園長江瀉不盡今生怨淚漣漣萬般哀苦腸  
斷夜啼猿

副末小人也送老爺一杯酒悲介


猶兒墜我那老爺呵官居清白無有買山錢可惜蓋世功  
勲未入鐫楚峯雲斷驟風前追奠望耿耿英靈庇我歸園

丑我也拜老爺一拜

前腔陰靈雖遠忠義在人間只有寡鵠孤鸞苦棄捐明朝  
楚越兩情牽休怨願夢寐相隨永作雙鴛

內叫夏家大叔我是刑部典差解官差我解送老夫人  
等往廣西去的上覆裡面收拾行裝限明日起程了副  
末應曉得了明早伺候老夫人小主母事已危迫請就  
此別了各辦行程罷老旦貼抱哭介天下那有這等樣  
的苦事

棹角兒老旦恨豺狼勢惡滔天悲鸞鳳並遭危蹇對貼賽  
瓊你爲亡夫愛惜花鈿對副末朱裁你到杭城潛居鄉  
甸對天拜介告穹蒼并亡靈同默佑早誕麒麟合離情相



戀淚眼相憐嘆一家冰消瓦解曷勝悲怨貼拜老旦

前腔荷深恩得侍幃前蒙大難各思飛遠老夫人呵念娘

行未歷塵烟對丑老媽媽呵望維持保全釵釧對天拜介

告穹蒼并亡靈同默佑永慰慈顏合前

副末拜別了老夫人

前腔遇衰年善保朱顏對丑老媽媽你念恩母路途須眷

丑對貼小主母你育嬰兒節捺須堅丑對副末朱大哥

你效程嬰始終勿變末丑同拜天介告穹蒼并亡靈同

默佑早返家園合前

尾聲合痛分離腸裂斷今生未卜見儀顏夢裡除非可再

圖

老旦嫡妾相離別故鄉 貼末知棲止在何方

副末此行不敢高聲哭 丑恐怕猿聞也斷腸

總評杭州有一朱裁亦添景色勝如欺已欺人以詩酒博

浮名而戴紗帽者也然杭州非無紗帽也如褚處余


自有人耳但非彼竊時名以欺當世者云

第十一齣

玩仙燈生扮揚上鐵面魚頭骨鯁志難酬嘆神龍暫居涸

數萬里孤臣似風飄柳看指介只恐這手足皆疲股肱非


舊



李卓吾批詩傳原言 卷一  
一封朝奏九重城夕貶宜山萬里程折指不忘匡濟手  
丹心還是股肱臣睜怒目切朱唇嘗懷按劍上彤庭嘆  
我有朝感悟天王聖摠那誤國奸臣一掃清我楊繼盛  
只因劾奏仇鸞逆賊却被奸臣威逼問官將我手指拶  
折脛骨夾損必欲置之死地幸蒙皇上薄賜降謫貶我  
爲口外邊城典史又被當道不容改爲廣西宜山驛丞  
數月之間奔走一萬五千餘里孤身到此不覺踰年幸  
喜上司知我是謫官不必往來迎接只是選想朝中權  
臣奸黨終爲國患近日驛中傳言夏桂洲被嚴嵩誣陷  
監禁在獄不日處斬我想起來自古朝廷未自元臣就  
修當朝臣子豈無保救之人但我職卑未見朝報是以  
怏怏于懷今日頗暇不免到驛前閑步一回行介

月雲高風塵奔走愁腸與誰剖追想我昔日糾劾仇賊豈  
是沽名干譽也只要三策安邦國一劍誅豪右今日一  
事無成呵憂國憂民悲傷兩僣憊這貶竄之苦也自甘  
無怨榮辱皆由命豈怨數遭陽九但我平生不願與奸  
臣同朝不斬元奸志不休不到烏江不盡頭那里有一  
個男子領着兩個婦人來了不知是何處人且待前來  
便知端的外扮解官同老旦丑上

掛真兒懊恨風霜催老朽長途顛沛多憂丑吉網羈縻羅



西出陽關誰救

老夫人此處已是宜山驛了聞知兵部楊主事謫在此  
做驛丞老夫人且暫立待我進見與他討個脚力外見  
生楊老爺叩頭生你是何處人那裡認得我外小的是  
刑部典差解官解送夏老夫人流徙全州在此經過生  
是那個夏老夫人外就是當朝宰相夏太師的夫人太  
師為軍國重情前已處斬今特解妻小前來生驚介天  
那有此大變之事可不駭死了人想此位就是夏老夫  
人了請進驛中相見生仙鸞儀範何期邂逅途中老旦  
司馬威名豈意遭逢客裏生請問老夫人老太師為何  
遭此大變老旦

宜春令吾夫王剛過彙生剛介乃立朝之本有何不可老

旦為權奸攢成寇讐生朝中臣子豈無一人救元老老

旦青蠅未聚毫端無計祈天祐生老太師既死一家都

被拆散了老旦飄零我世澤箕裘生老夫人得何罪老

旦風波我暮年箕箒生那奸賊果是不共戴天之仇合


這冤情石爛難忘海枯不朽

前腔生聽伊語知遇讐不要說親受其禍使人聞心傷眉

皺這老太師呵暮齡遭難况無令子承君後老夫人你平

日呵本是箇天上鸞凰今日受此大難呵反做了風中

甚開目好



塵垢合前

外老夫人一路行來萬般辛苦特與楊爺討個脚力望  
求方便生這個定有且是小事老大人廣西乃荆蠻之  
地不比江南富貴此去舉目無親恐難存活下官有個  
朋友姓張名翀乃馬平縣人前年已中鄉舉會試京師  
因與下官相厚况馬平相近全州待我修書免他周濟  
老夫人此人平生好義決不失信于我老夫人且權居  
幾時諒必回鄉有日老旦多謝恩官丑這老爺就是重  
生父母了生老夫人請到後堂茶飯待下官修書起來  
老旦丑外貴人擡眼看便是福星臨俱下生叫驛子取

縣目更  
妖

文房四寶過來副淨應上難中一帋書勝賜千金惠四  
寶在此生寫介


一封書京師憶舊遊遇相知信義周誰想別後兩年京中  
有此大變元臣陷死因痛全家復遠流佐命忠勳應可  
惜莫逆深交更轉求到全州望容優存歿沾恩感不休

侍生楊繼盛頓首拜鶴樓張先生厚契門下書已寫完  
叫驛子速備肩轎兩乘官馬一匹送夏老夫人到全州  
去副淨老爺驛中缺少轎馬留待要緊官員這老媽是  
失時人了奉承他怎麼生陡你小人勢利但知錦上添  
花我砥柱中流偏喜雪中送炭快備過來請老夫人出

也  
好

李卓吾批言明厚言

卷上



來上轎老旦丑外上自隣送別無杯酒誰信陽關有故人恩官告辭了生遞書介這是一封小柬這是五兩俸銀但恨官卑祿薄不能厚贈少助路途之費老旦重蒙華翰如錫百朋這厚禮決不敢受生老夫人患難之中不須過辭解官收下外接介多謝恩官老旦拜介

鎖南枝遭命薄被徒流喪家栖犬空奔走盛德感賢侯相逢信非偶恩官我今生報你的恩不成了嘆今生事已休效啣環怎能勾

前腔生老夫人你潭潭府金作甌一朝喪在奸雄手你暫爾寓他州時乖且須守倘有一日聖心回悟那時呵遇天

恩早回頭我楊繼盛倘有復見天日之時呵到朝廷當保

奏生對外解官你一到全州就將我書送與馬平張舉人

相公對丑老媽媽路上好生伏侍老夫人外丑拜生介

前腔蒙君惠患難周春風雨露沾枯朽楊老爺你鷄隊屈鸞儔迤邐諒非久合望天朝早召留俾忠良同輻輳


老旦骨肉凋零實慘傷生驛中邂逅意彷徨

丑一時忠義相悲愴外千載芳名共勒章

總評因楊得張關目甚好

### 第十二齣

六么令旦携筐上幽棲鞅掌遇良人暫困寒窗戶獲薪水



李耳書抄詩鳴鳳言 卷一  
意彷徨勤職業採繁桑春風幾度添惆悵春風幾度添惆悵


海棠春流鶯牕外啼聲早睡未足把人驚覺翠被曉寒  
輕羅帶東風裊由欄轉過侍兒報道梁上春蠶競巧試  
問後園桑枝上存多少奴家沈氏幼適鄒郎我官人學  
業雖成功名未遂且喜他暮習朝溫不放白駒過隙師  
嚴父益須教黃鶯冲霄只是男攻經史女主蘋蘩也要  
各盡其道奴家幼習紡績之勤頗識蠶繅之務宅外有  
桑園一所在於西郊兩日蠶事多忙家無閑婢不免自  
採一回就此小路行去携筐行介

一江風謾携筐緩步蒼苔壞泥軟鞋痕嵌怎麼有許多狂  
蜂浪蝶逐遊蜂并任小桑條扯得雲鬟亂採介綠葉應  
青衫綠葉應青衫纖纖素手忙這是甚麼鳥鳴聽倉庚兩  
兩聲嘹亮方採得半筐不覺手足皆倦待我暫歇片時再  
採我想起來如家採桑不過爲蠶績之備與我丈夫讀  
書成功的何異

前腔嘆才郎苦志學文章似繭絲同樣讀書的須要積學  
就如蠶績的須要預備趁今時收拾化工春預作經綸  
釀看他繡口錦爲腸繡口錦爲腸終成補袞裳古人嘗有  
以此教子者羨斷機教子功無量那裡有一個背包男

好景

妙想世  
人意表  
中人意



子來了待我避在一邊


六么令末上歸途勞攘怕逢人愈覺匆忙枯蓬斷梗去何方雲漠漠樹蒼蒼投身無地難尋向無地難尋向

我朱裁夫妻自從伏侍小主母出京受了萬千辛苦已到臨安地方且喜杭城相近但我小主母弓鞋脚小不能前進只得慢慢引道待我妻子隨他後行回頭看介還不見來想他又走不動了好苦也不免在少待立介副淨扮朱妻同貼上

一江風貼到村鄉悽慘情千狀渺渺魂飄蕩苦窮途歷盡了風霜瘦損了花模樣一日幾回腸一日幾回腸如禁萬刃芒別離愁多撮在眉尖上

奴家一路行來萬般苦楚不知前到杭州還有許多路程又不知到此地方投向何人棲止行到這裡更覺腰疼時軟且在桑林下少坐再行坐介旦好古怪我看這女子相貌幽閑情懷淒楚那男人遠遠站立老嫗不敢同坐似有主僕之分且是遠方來的必有不得已之事待我試猜他一猜

步步嬌莫不是荆釵節婦投江上莫不是塞外寒衣嫵豈是個桑間遊冶娘莫不是曾母踰牆緹縈訴枉思忖這悲傷教人疑慮難消暢






我就問他也不妨相見介旦小娘子你是何家宅眷爲何到此貼一言難盡

前腔我不爲着春山憔悴思張敞不爲着鵲渡銀河朗豈爲着陽臺夜夢寒不爲着南浦雲飛西廂月上提起這災殃教人未語先斷腸

旦小娘子不須啼哭你且說個詳細貼奴家蘇賽瓊是當朝宰相夏公之妾不意我老爺被奸臣嚴嵩誣陷典刑妻小俱流廣西我老夫人憐我懷孕五月欲延宗祀恐同到遠方被仇謀害故此自當其難着我潛地南還指末介此人姓朱原是杭州裁縫我老爺知他可以托妻寄子恩養數年今日果不負所托夫妻二人領我到此欲投個仁人長者僑居幾時且待仇家疑釋徐歸江西但不知從何去向不免在此恓惶末淨見旦有失迴避萬望恕罪旦難得你兩個好人小娘子我家丈夫鄒應龍雖爲草茅韋布之士常懷渡蟄還帶之心見你狼狽必思安集况家下幽居桑柘之地終無塵囂之染宅外桑園之內正有空房一所你且權居于此待我着老嫗朝夕陪伴朱裁夫妻自到杭州營生常來看顧主母未爲不可你意下何如貼過蒙厚情足占大德但我未亡之婦不可投非戚之家窮途固知顛沛大節必耍始

好開日都



終恐苟且相依有妨禮義旦小娘子守經行權各有其  
時撫孤恤寡不無所遇若非公孫杵臼焉得趙氏孤兒  
既以避難避仇不必膠柱鼓瑟况我官人忠義自持別  
嫌有道恐捨此而去未必有可投之家就在舍下權住  
罷副末重蒙大娘子盛德我主母只得借居于此留我  
妻子伏侍小人自到杭州做些生理薪水之費都是小  
人送來旦這個也不湏你的我家自有粗淡之需副末  
小人送到宅上拜見了鄒相公然後敢別貼多謝恩母  
玉胞肚乍離閨愧遇飄零其實可傷嘆一門飛絮風狂念  
孤身弱草濃霜今日幸遇我恩母呵相依撫字如同漂母

庶韓王慰我顛連在異鄉


前腔旦裙釵雅淡在流離動止有常小娘子你縱含着讐  
海冤山應湏有玉茁芝香今日我見你呵相逢如故公孫  
重見太平庄永保孤兒育遠鄉

前腔副末副淨大娘子你情懷慷慨憐荷相留大義怎忘苦  
長途永宿凄涼幸今朝萍跡安康只是我老夫人不知下  
落悲介天涯翹首斷雲衰草在何方安得同歸返故鄉

尾聲合遇難難休悲愴依人飛鳥暫相將勿憶京華富貴  
場旦家下就在此間小娘子請行

貼身家飛絮逐東風

旦京國烟花總是空



李卓吾評語明原言 卷一  
副末一葉浮萍歸大海 淨人生何處不相逢  
總評串插極好可謂文心開化矣


第十三齣

菊花新 副淨家君近喜破奸仇在國威權獨自收機政與誰籌朝命盡經吾手

斬蛇瀕斬蛟獵獸瀕獵虎除却萬人雄天下惟有我嚴  
世蕃蔭襲家君位同鄉相陰險勝如蔡卞智謀遠過王  
雱前日夏言老賊與我父子爭權被我家謀害典刑妻  
孥盡皆流徙我父子背始帖席矣且喜君王寵春獨掌  
朝綱兒孫滿堂並食天祿我父親嘗自題家慶曰有我

也無你  
養濟院  
安穩無  
恙

福無我壽有我壽無我夫婦同白首有我夫婦同白首  
無我子孫七八九有我子孫七八九無我個個天街走  
笑介我父之樂如此我爲子者可知到此地位富貴極  
矣但前日擺布夏言多賴羽翼趙文華爲通政沉禁保  
救之章馱懋卿爲御史阻塞直言之路二人之功尤大  
今日父親分付着我置酒萬花樓上請二人同飲并賀  
仇亡恥雪之樂且朝中直言無隱之士難保必無倘有  
人再來干犯我家還要二人協謀用力不可就披了梯  
且把酒食來啖他一啖纔已差人去邀想就來也未報  
趙馱二位老爺到了



前腔丑上官居樞要並王侯全賴趨迎有智謀淨扮鄢上  
屈膝一時羞驄馬威風無若


丑下官通政司使趙文華是也淨下官監察御史鄢懋  
卿是也蒙東樓公招飲不免同赴請了相見介副淨榻  
邊驅駟睡丑海外獻奇珍淨要賀重重喜合花前對酒  
杯副淨小厮將酒過來末盃擎紅瑪瑙酒泛綠葡萄老  
爺酒在此副淨二位請上坐丑淨大哥在上我二小弟  
焉敢副淨今日敘賓王之禮不論兄弟之情請坐了丑  
淨如此告坐了副淨送酒介

二犯傍妝臺賓王意綢繆展開懷抱同賞萬花樓趙兄我  
與你風雲會人罕有鄢兄我與你魚水遇永相投我不  
效象賢匡太茂且向歡娛學蔡攸合喜逢仇滅還荷寵優  
玉盃謾酌紫霞流

前腔丑卑職欠淹留猥蒙提挈得與廟堂謀副淨這大单  
兒還是兄見惠的丑愧微禮休掛口賴親德重如丘四  
美二難真際會九棘三槐盡倚合前


前腔淨愚弟荷相周職居風憲權壓眾公侯這洪澤叨庇  
久副淨承兄見惠白玉盃尚未有報淨儀菲薄願難酬我  
三窟成謀無限樂九尾藏機不復憂合前

副淨趙鄢二兄今日我三人聚會俱是心腹各把心話



講一講大抵人生在世如白駒過隙既處富貴必要及時行樂請問二兄在家有何受用丑大哥實不相瞞小弟有兩個愛妾一個叫憂人富一個叫自怕窮一夜之間教他輪流伏侍上半夜憂人富下半夜自怕窮豈不受用衆笑淨若如此一夜都不睡了那得受用不若小弟也有兩個愛妾一個叫忘恩一個叫負義終日教他侍立在跟前左顧右盼正是轉眼忘恩回頭負義豈不快活副淨二兄都不是真樂我家有個美人喚名解語花乃是平江伯送來的絕色無雙且善于音律待我叫他出來以爲侑酒之樂左右請美人出來貼舞低楊柳

樓頭月歌罷芙蓉帳底風三位老爺解語花叨頭丑淨果然天下絕色副淨今日要你吹彈歌舞各顯所長你先試歌然後彈舞貼待奴家送酒就唱貼送酒丑淨伸頭作醜態介副淨二兄敢是骨鯁了丑淨不是咽吐貼香柳娘咏新詞勸酬咏新詞勸酬輕開檀口白家樊素甘低首轉清音謾謳轉清音謾謳高調遏雲頭陽春並先後合且頻頻斟酒且頻頻斟酒聽鳳管齊鳴鶯簧迭奏衆唱得好淨對丑你家憂人富自怕窮也有這等風致麼丑你且彈一回貼三位老爺請酒奴家就彈貼彈琵琶介前腔把琵琶掩羞把琵琶掩羞冰絃在手翠眉蹙恨毛延



壽看纖纖指頭看纖纖指頭飛電疾如流明珠滿盤走合  
且頻頻斟酒且頻頻斟酒看撥盡相思消殘清晝

丑淨彈得尤好丑對淨比你家忘恩負義的情趣若何

副淨你且舞舞貼老爺請酒待我舞一回丑淨立起

看舞介

前腔貼把霓裳斂收把霓裳斂收展開羅袖腰肢袅娜風  
前柳任雲鬟蹁頭任雲鬟蹁頭珮玉嚮裙榴花容汗香透  
合且頻頻斟酒且頻頻斟酒看高下鴛飛翩躚鶴驟

衆舞得尤好丑酒闌興盡日已將曠衆望收了筵席去

罷副淨既如此徹去了

前腔把嘉筵且收把嘉筵且收歡娛良久賞心樂事緣非

偶嘆人生寄漚嘆人生寄漚一刻恣風流黃金直千斗且

姑留美酒且姑留美酒待月夕花朝酣歌依舊

淨歌舞醉樓前丑當空月色懸


副淨不照逃亡屋合常照綺羅筵

第十四齣

緱山月生上天步有乘除仕路如反掌豺狼盈帝里筆劍

須誅攘


訴衷情三年官興落風塵事業曉雲輕昨將舊冠重整  
義氣滿乾坤悲恸楚美溫生笑揚城萬言時事千古高



風一片丹心我楊繼盛向爲諫阻馬市謙貶萬里邊城  
今因仇賊奸謀敗露欽陞孤臣爲兵部武選司員外郎  
之職竊喜不處逆鸞之手以爲萬幸而又轉遷如此之  
速則自今以往之年皆聖上再生之身自今以往之言  
皆聖上特賜之恩也旣以感激天恩敢不捨身圖報目  
今蜥蜴雖除虎狼入室嚴嵩父子秉政美權妬賢嫉能  
誅僂上下首相賣官鬻爵取利下盡錙銖以刑餘爲腹  
心招羣奸爲子弟若不早除賊黨必至大害忠良向日  
王宗茂徐學詩沈煉等雖嘗劾奏不過止言其貪汚而  
已若其大逆無道聖明尚在未知下官目覩其奸豈容

坐視今晚就此燈下草成奏章明早上瀆天聽倘蒙見  
准朝野肅清在此一本也叫直書房的取文房四寶過  
來末持帚筆硯上太平無以報願上萬言書老爺四寶  
在此生點明了燈你自去罷不湏在此伺候生執筆看  
帚介這賊臣僭竊多端正所謂罄南山之竹書罪無窮  
決東海之波流惡難盡這一幅有限奏章教我如何寫  
得盡寫介

解三醒恨權臣協謀助黨專朝政顛覆朝綱我寫不出他  
滔天的深罪樣我寫不出他欺罔的暗中腸他罪惡顯著  
的那個不曉得我只寫他一門六貴同生亂更兼他四



海交通貨利場還思想畢竟是衷情剴切面訴君王

停筆看指介我這手指前日已被拶折終不免有些傷損纔寫得數行就疼痛起來莫說疼痛就死也何辭

前腔嘆孤臣溝渠誓喪祇爲那元惡猖狂又寫介我楊繼

盛雖非諫官若我不言更無人言矣嘆介惟當朝無肯

攀庭檻又誰箇敢牽裳又寫得兩手指就流血了也

焦山先生的是鐵漢

由他我只是一心要展擎天手管不得十指淋漓血未乾還思想只須這淚痕血迹感動天王

副淨扮小鬼上隱燈下作叫介生聽四面絕無人迹敢是個鬼兒

太師引細推詳這是誰作响我曉得了是我祖宗的亡靈

恐有禍臨教我不要上這本了心中自忖量敢是我亡

親垂念咳我那祖宗你只願子孫做得個忠臣義士須教

你萬古稱揚大抵覆宗絕嗣也是一個大數何慮着宗支

淪喪鬼又叫生你不要叫了縱然恁哀鳴千狀表此心斷


易不轉怎能阻我筆底鋒芒我就拚得一死也強如李

斯夷族趙高亡燈下鬼現形介

生呀不惟聞其聲抑且見其形

前腔這是幽冥誰劣像你在此現形呵似教我封章勿上

你雖然如此怎當我躡言方壯鬼作悲狀介生你自去






好

罷休得要在○此○恓○惶○我○理○會○得○了○你○也○不○是○甚○麼○鬼○想○  
是○我○忠○魂○遊○蕩○到○死○時○也○做○箇○厲○鬼○顛○狂○人○生○在○世○左○右○  
一○死○生○如○寄○死○誰○曰○難○湏○知○安○全○藏○剖○腹○屠○腸○鬼○滅○燈○  
下○生○可○惡○那○鬼○兒○竟○把○這○燈○兒○打○滅○了○此○際○已○將○三○更○  
時○分○小○廝○們○俱○已○睡○去○再○介○小○丫○鬟○點○燈○來○

生查子旦秉燭上良人素秉忠封事頻頻上清夜謾勞神  
幽閻添悲愴

生呀緣何夫人自家秉燭旦此際已將夜分丫鬟輩都  
睡去妾聞相公在此喧嚷故特秉燭而來點燈在臺介  
生夫人有這等奇事下官方在此寫本只聽幽冥之中


漸作鬼聲少頃忽見燈下現出一鬼披髮赤身滿面流  
血似有悲切之狀竟把燈兒打滅去了旦此事可怖恐  
非吉兆請問相公寫何奏章生此乃國家大事非夫人  
輩所宜知你問他怎麼旦妾聞臯夔稷契優游無事謂  
之良臣龍逢比干因諫而亡謂之忠臣妾願相公為良  
臣不願相公為忠臣生夫人忠良本無二理顧身之遇  
與不遇耳臯夔稷契遭逢堯舜故得吁咈一堂設使當  
龍逢比干之遇敢不竭忠盡諫旦妾聞君子見幾達人  
之命陳平不為王陵之慙卒至安劉仁傑不為遂良之  
直終能取日王章殺身忤王鳳也鄴侯寄館避元載也



况相公職非諫官事在得已縱然要做忠臣養其身以  
有待如何生夫人食人之祿當分人之憂苟利社稷死  
生以之呂奉先為國而殺董卓鄭虎臣為民而誅似道  
匹夫尚然有志臣子豈容無為我自草茅韋布之時常  
恨不能見用今見用矣猶曰彼非我職而不言是終無  
可言之時也况今言路諸臣不過杜欽谷永者流撫拾  
浮詞以塞責耳若我坐視元奸大惡豈能除去且察言  
觀色洞見其中相公此本相是要劾嚴老了但投鼠必  
忌其器毀積恐傷其珠巖嵩寵固君心賄通內監夏太  
師且受其殃曾御史並遭其毒今上既信他大詐若忠

必罪你居下訕上倘觸犯天顏恐禍有不測鬼形悲泣  
未必無為相公請自思肖生你還不知我平生心迹貪  
生害義即非烈丈夫殺身成仁纔是奇男子况為臣死  
忠乃我之分今日之本我非僥倖不死沽名于譽多將  
頸血濺地感悟君心倘能剪除逆賊得與夏曾二公報  
仇我楊繼盛就喪九泉亦瞑目矣夫人何必苦苦相勸  
且相公堅執如此夫婦死無葬身之地矣且悲介

啄木兒聽哀告說審詳自古道從容就死難念曾公忠義  
遭傷痛夏老元宰受殃看滿朝密張羅雉網前車已覆須  
明鑒相公你休得要無益輕生絕大綱



丈夫

前腔生夫人你何須泣不用傷論臣道須扶綱植常罵賊  
舌不愧常山殺賊鬼何怯睢陽事君致身當死難你休將  
兒女情縈絆我大丈夫在世呵也須是烈烈轟轟做一場  
三段子旦相公你此心何壯矻矻睜睜銅肝鐵腸我這苦怎  
當哭哀哀兒啼女傷生夫人你譬如杞梁戰死沙場上其  
妻哀泣長城斷却不道千載賢愚總堆黃壤

歸朝歡旦兒夫的兒夫的節重義堅頓忘了終身依仰今  
朝後今朝後未卜存亡是伊家自詒災禍倩誰祈禳

尾聲生我朝朝碎首君前抗我那妻兒我死之後你將我  
屍骸暴露休埋葬旦却為何生古人自以不能進賢退不

肖既死猶以尸諫下官亦是此意須再把義骨忠魂瀆  
上蒼

生赤心為國進忠言 旦休觸天威犯御顏  
合此去好憑三寸舌 再來不值一文錢  
總評楊家乃有怕死之思可恨可恨

第十五齣

點絳脣末斗轉參橫玉壺傳點天階曉鐘鳴長樂仙仗千  
宮遶

甲帳徐開殿影齊三更津吏報朝雞風回上苑爐烟裊  
日上瑤天雨露低萬國衣冠春共育五雲環珮曉相携



瑣闥禁闥重重閉郎吏何湏上諫書自家乃本朝黃門  
官是也身親丹陛職侍紫宸力助經綸功歸機軸雙龍  
地望見許多舟楫濟川才九虎天規知無數鹽梅調鼎  
手從容青瑣躬承稷契近唐天咫尺黃袍心切蕭曹依  
漢日都俞吁咈榮名動百僚進退周旋治道期千載化  
行禹貢山川外人在周官禮樂中如今正是早朝時分  
聖上已升寶殿恐有表章傳達只得在此伺候道由未  
了奏事官早上


小重山生金殿岩堯紫闕高龍蛇盤結處動旌旄朝陽鳩  
鵲壓雲濤緋烟擁咫尺積書袍

漏洩葵心亂鐘敲蝶夢驚滿懷憂國事今日見明君此  
處已是午門了不免進去未奏事官不得擅入就此拜  
舞生舞蹈介

神仗兒揚塵舞蹈揚塵舞蹈手持文表對彤庭拜了遙望  
重瞳高照尊殿陛肅官僚尊殿陛肅官僚

末是何衙門官所奏何事生臣乃兵部武選司員外郎  
楊繼盛上啓天聽

滴溜子微臣的微臣的職具兵曹微臣的微臣的僭言直  
道末你敢是越職言事生念微臣官卑職小捐生報聖朝  
欲除奸老干竇天威萬乞恕饒



末有何文表就在此披宣

入破第一生具官臣繼盛啟仰荷皇恩旨陞臣為署郎官  
職干冒天威臣謹誠惶誠恐稽首頓首伏念微臣初登甲  
第選兵司為劾仇鸞逆侶遠謫邊城地傷足脛折手指甘  
心為棄人而已豈想銓曹不限卑微常例到京畿特賜殊  
恩復叨郎署

字字入  
真境非  
詞家所  
易得也


破第二剩此微軀皆賴天恩庇捨身圖報如何敢逡巡  
避切惟元老嚴高僭竊權侂人主悞國殃民奸謀久矣  
破第三那更上天垂象降爾多災異日下赤光雷陰暘星  
墜地又見崩山溢水太史曾占云是權臣所致最可悲他

調變無功恐食祿有愧

歌拍濁亂朝綱逆天大罪臣又訪得世蕃子同票本掌中  
書乾子文華協助奸雄之計昔虜圍束手藏兵悞殺汝襲  
中滾賊高享厚祿掛朱紫出入承明地惟肆苞苴失人心  
壞風俗變成規妄捏長孫効忠從事江西詐冒軍功世襲  
錦衣

煞尾他總兵樞機密構中常侍侍五奸蒙中惡鬼神知此  
仇賊死猶遲陛下優容臣恐禍貽非細視朝歸親問二王  
始知詳備

出破若念老臣不加刑遠惡州望安置庶使權奸惡黨悉



驅除臣無任瞻天仰聖激切屏營之至

末楊先生此本好生利害事已到此只得與你進上移步上金階封章達帝台午門欽候旨禍福自天來持本下生今日之本我豈不知有禍無福但一則要報皇上再生之恩二則要展生平忠義之氣三則要與四海萬民除害四則要與忠臣義士雪冤正所謂鞠躬盡瘁死而後已成敗利鈍豈能逆觀萬一僥倖不死得除元惡亦千古必無之事也待我禱告上蒼

滴滴子天憐念天憐念孤臣拜禱今日的今日的死生未保天那可惜君恩難報一封奏九重知他聽否我楊繼盛


的斧鎖圈都在這遭

本已進去多時不見回報想是拿問了且到朝房少待

前腔末捧本上署郎臣署郎臣越班進表于天聽于天聽龍顏怒了小臣居下訕上把太師來輕誚罪難恕饒見有玉音午門聽剖

末聖旨已到跪聽宣讀生跪介末聖旨道楊繼盛這廝因謫官懷怨撫拾浮言恣肆瀆奏本內故引二王爲辭是何主意着錦衣衛好生打着從重擬罪來說生萬歲萬歲萬萬歲校尉上

前腔奉聖旨奉聖旨旗牌宣召到錦衣到錦衣依律問拷



李耳吾世言應慶言 卷一  
衆扶生介楊爺你無事休將言造今日呵災禍自家招  
怎生是好到我錦衣衛時定無榮賞惟有明條

〔生〕忠臣不怕死

〔衆〕怕死不忠臣

〔生〕錦衣甘擬罪

〔衆〕青史永標名


總評焦山先生奏疏點綴成詞妙手也

第十六齣

北混江龍外丹書飛電只爲那忠言逆耳怒龍顏三章定  
典一劍橫天看怨氣撒成千里雪愁雲捲起萬家烟訴衷  
情冤深海漾寬望長安日暗天還遠舌吐了六曹兵馬汗  
淋了五府牌官

甚妙甚妙

執笏垂紳滿帝京誰人能掃宇寰清權奸未滅身先死  
長使英雄淚滿襟下官錦衣衛都指揮使陸炳是也昨  
奉皇命着我會同刑科都給事鮑道明監斬諫官楊繼  
盛下官自忖職掌錦衣二十餘年不知拿問了多少官  
員羣臣雖上奉章未有如楊椒山之激切皇上雖嘗責  
問也未有意置之于典刑只爲他尋差了對頭今早內  
監口傳聖旨道如有大小官員奏饒楊繼盛者一同處  
斬以是知楊公必無可生之路也咳楊椒山楊椒山夏  
太師且不免何況于汝乎你到今日呵正是滿身是口  
不能言遍體排牙說不得了〔衆報〕鮑爺到了




粉蝶兒未上朔雪翩翩看同雲四郊飛遍聽金門上命初  
傳把忠良如草菅有言難辨駭得俺毛骨竦然最堪悲一  
封書斷送了殘生夙願

下官刑科都給事鮑道明是也奉命監斬楊繼盛不免  
到此法場呀陸大人已先在此了死下官已在此伺候  
相見介未十月天飛雪多爲楊公泣死杜宇聲悲咽叫  
落枝頭月未陸大人今日雖蒙聖旨勅俺兩個監斬萬  
一楊公有救亦至幸也死鮑大人還不曉得今早內監  
傳出聖旨若有保救者同斬未口傳聖旨未可盡信外  
總然是假誰敢再奏未若如此楊公命盡此刻矣我和

你不惟不能救且要殺他于心何忍外皇命使然無可  
奈何內催介奉皇爺聖旨嚴府鈞旨着監斬官速斬犯  
人回話外既如此左右帶楊老爺過來衆扮旗牌官劊  
子押楊綁上衆天作孽猶可違自作孽不可活老爺斬  
罪犯人聽候外未悲介

耍孩兒外楊先生你因囹圄桎梏皆天譴把事付東風休嘆  
怨你鐵肝石膽真堪羨邊城萬里方遭貶邊城萬里方遭  
貶嘆今日兵曹又受顛少微月犯多災變你本是箇王朝  
柱石埋沒在相府塵烟

前腔未椒山兄羨君家立志堅爲朝廷欲去奸讜言直犯





君王面號神泣鬼驚讒諂號神泣鬼驚讒諂正氣漫漫塞  
兩間貴戚權收斂你本待要名標青史先做了命染黃泉

小外小生上小外靴尖踢倒鳳凰樓小生怒氣冲翻鸚

鵝洲小外海天寬忿憑誰訴小生太白旗懸忠義頭小

外下官禮科給事吳國倫是也小生下官監察御史王

遴是也今日我楊年兄被奸臣誣諂在此典刑特來與

他永訣左右報兩位科道老爺來了相見介小外小生

二位大人生殺在手可謂有權外末二位大人感慨在

心不得已也請問掌科道長可曾保救楊先生麼小外

聖旨既下誰敢再救小外下官輩不過與他永訣少盡

同年之義耳小外小生見生抱哭介生二兄不必痛傷

前腔小外念吾兄節義全衆流中獨挺然歲寒松柏當朝

選忠誠要剖葵心獻忠誠要剖葵心獻折檻無功反受冤

吞却魚腸劍俺非是江州司馬也落得淚濕青衫

小生老年兄你當此大辟又遇此大雪一發苦了


前腔嘆遭逢命運艱更臨刑遇雪天囊頭三木刑何慘你

足疲指折猶難免你足疲指折猶難免須與地下龍逢作

比肩血濺朝陽殿俺非是蘇州刺史也須知惱亂愁腸

小外老年兄我和你從此一別今生再無相會之期矣

小弟有挽詩一首以脩我兄他日青史之助出詩誦介



食祿分憂士憐君獨處難囊頭追孟博斷舌繼常山雪  
映心猶赤風吹骨愈香傷心千古恨揮淚洒斜陽小生  
小弟次吳年兄韻也贈一首聊表吾兄忠烈之意出詩  
誦介仗節多臣子從容就死難忠懷吞瀚海義氣壓衡  
山魂斷關河杳名存草木香丈夫無別淚含笑赴雲陽  
生過蒙謬贊但死不足以塞責終無益于朝廷也天下  
事尚可爲二兄好爲之左右報楊宜人來了二位老爺  
請方便小外小生好苦也左右是一死了只得去罷正  
是見君且斂湘江淚恐逼愁人速斷魂對外未二位大  
人請了外未刑法所不敢送了小外小生下巨手携

酒帛哭上


哭相思當日封章未上曾頻勸何期此地遭迍難

放酒壺在地抱生哭介

耍孩兒我那相公呀你纓冠束髮塵生面似縲紲俘囚同  
執孿奴家今日在此呵也是鬼門關上空留戀你一腔忠  
義惟天鑒你一腔忠義惟天鑒嘆六尺微軀無計全千古  
與長怨今日呵將臨刑別酒斷送了合番前緣


妙妙

內催介奉皇爺聖旨嚴府鈞旨着監斬官速斬犯人毋  
得遲悞未曉得了王法固不可留私情也要少盡旦相  
公今日死後奴家存亡未卜雖有一陌紙錢無人燒化



今日將一盃別酒聊盡夫婦之情望容鑒納遞酒介外  
左右與他送一送酒旦跪讀祭文介奴家自製祭文數  
句以表相公平日忠義之心不免宣讀維皇明嘉靖歲  
次乙卯十月朔越九日未亡妻張氏謹採首陽之薇挽  
汨羅之水致祭于忠愍夫君奉直大夫椒山楊公之靈  
日於維我夫兩間正氣萬古豪傑忠心慷慨壯懷激烈  
奸回斂手鬼神號泣一言犯威五刑殉裂開腦比心嚴  
顏稽血朱檻段血張齒顏舌夫君不愧含笑永訣渺渺  
忠魂常依北闕嗚呼哀哉尚饗外左右劊子皆悲介旦  
雪中遭此大慘真個苦上加苦

前腔看愁雲怨滿天痛生離死別間湏臾七魄無從見牽  
襟結髮今朝斷牽襟結髮今朝斷腸裂空山哀月猿割不  
出傷心劍我那相公本是箇飛黃千里今做了帶血啼鵲  
內催介奉皇爺聖旨嚴府鈞旨犯人不得久留如遲并  
罪旦一刻也不容可不苦殺人也相公你有家事欲言  
說與奴家知道生○徒○婦○人○好○不○曉○事○我○平○生○那○有○家○事  
我浩氣還太虛丹心照千古平生未了事留與後人補  
外楊宜人你且對天祈禱一祈禱你丈夫有人救他未  
可知也旦對天拜介天那願少湏臾無死劊子作斬衆  
推生下旦哭倒地介外未驚作留狀介楊宜人還未甦



醒可憐可憐我又不好着人扶你校尉們且叫聲衆叫

旦漸醒介

江兒水天那我魂離體魄喪泉痛思鴛侶遭飛箭我那相  
公你一點丹心明素願翻成白刃流紅茜禍比史蘇尤  
慘仇海冤天對着誰人悲怨

外楊宜人死者不可復生請自寬慰罷旦我未亡人還  
有一言相告

前腔再啟吞聲愬重開染血箋懷中出本介粉身猶要將  
尸諫大人此本乃未亡人代夫明志尸諫感君之本煩大  
人轉達天聽倘得剪除權奸我夫婦萬剛甘心外咳楊

宜人椒山公如此你一女人濟得甚麼事不如息了這


個念頭罷旦我兩兩哀鳴如鳥怨人之將死其言善外  
其情雖切此本決不敢與你上旦我苦只苦萬里君門  
難見大人不肯與未亡人上本請畧觀一觀情節外既如

此左右接過來外看本旦出刀自刎介我回到烏江免

使亡夫心眷旦倒介

外驚介呀楊宜人也自刎殺了可憐可憐

前腔我看它夫爲綱常重妻能節義全雙忠九烈誰能先  
光岳千年種氣鮮君明臣直孤忠顯萬古清名不殄這些  
碌碌奸雄顧此獨無覩覩



叫手下擡那屍首好生成服與楊爺同厝西城外後日  
必有旌其忠節者朝廷有旨道楊繼盛斬後即將妻孥  
流徙居庸開外今宜八已死又無人與他奏免只得將  
他幼子與家奴流去罷

末臣為君亡實可傷  
眾妻因夫喪重綱常

外憑君莫語糾彈事  
合一個忠誠九族殃


總評椒山先生雖死猶生此詞頗能描畫可作行狀可作  
史補友詩婦文更為絕唱

### 第十七齣

番卜算淨扮汪上五島節欽從一言招寇叛男兒志氣欲

### 圖王敗則依山險

海島經營二十年中原激我上番船從今共起龍泉劍  
霹破東南一半天自家姓汪原是通番主人出沒江洋  
招引來船去棹埋藏島嶼貿遷寶貨奇珍窟窟崖儋藍是  
家鄉日本流球為傳舍五島倭夷並皆欽照因自號為  
汪五峰不想近年以來大明宰相嚴嵩當國賄賂公行  
故此沿海守郡官員競來索我外國奇珍寶玩貢奉權  
奸多不償價有等門下貪污黨與謀陞福浙等處鎮守  
意圖滿侵東南海利將我商人屢次腰斬既奪我生涯  
又絕我歸路我大丈夫不能流芳百世亦當遺臭萬年



昨日分付頭目徐明山等打造戰船數千率領倭夷數  
萬整脩五鬚鎗鉛錫銃鴈尾箭福清刀等器械一齊舉  
發運到福浙蘇松等處攻切城郭村鄉擄掠子女玉帛  
滿載而歸勝做一生買賣頭目們何在衆扮倭夷上科  
頭跳足語蛙鳴跳梁跋扈于天憲大王有何鈞旨淨戰  
船兵器可曾完脩麼衆完脩多時了淨如此逞風先到  
福建等處攻殺前去

豹子令淨蜃海攻城星斗戰星斗戰鯨川交刃浪波穿浪  
波穿寰宇橫行誰禦我虎賁何足數二千數三千合諒無  
充國守屯田大明從此震山川

前腔衆兩兩飛刀追走電追走電搜搜羽箭混飛烟混飛

烟城郭村庄燒毀遍金銀婦女載歸船載歸船合前

淨豪傑潛居海島中衆一朝兵動滿江紅


淨江南金帛千千窖合大笑一場天地空

總評倭夷不在外國乃在朝廷也此亦可見

第十八齣

傳言玉女小生乍折秋香疑似蟾宮初降步雲衢扶遙直  
上行看那咫尺玉階仙仗這楷梯紅史如何撒樣

南鄉子人樂艷陽天百轉鶯聲醒醉眠樹抄斜陽影裡  
掛鞦韆隔水遙聞笑語喧倦倚綠牕前吟就新詩又斷




聯惹得梁間雙燕舞翩躚飛遶青雲復入簾小生林潤  
幼入鴻門賴師友之功荷祖宗之澤今科添領鄉薦平  
生志願少伸萬一且喜聞得我恩兄鄒蘭谷亦中本省  
高魁不勝踴躍昨日修書寄去少表微忱且待會期將  
近預到杭城敘濶約他同上京師是所願也兩日塵事  
碌碌簡編久廢今日稍暇不免到書房把舊文點檢一  
檢看書介

駐馬聽靜几明牕積案文章翰墨芳只見千般月露萬種  
風雲筆勢燦煌文字也各成一家多有不同有一等太羨  
玄酒味難忘有一等長江一瀉翻空浪仔細端詳滿前錦

繡皆師範兩日中酒不覺神思困倦纔看得幾篇文字就  
要睡來且隱几少臥生臥介

步蟾宮貼上綠鬢仙郎膺重望時不遇珠韜夜光今朝桂  
子發天香幸作月中仙匠

南鄉子曉日壓重簷斗帳春寒起未忺天氣困人梳洗  
懶眉尖淡掃春山不喜添悶把綉絲擣認得金針又倒  
拈陌上遊人歸也未厭厭滿院楊花不倦簾奴家王氏  
之女兒郎之妻金屏綉褥生成統袴之家韋布荆釵暫  
作糟糠之婦牕前相夫子惟知舉案齊眉架上勤女工  
不學迴文織錦且喜我相公新中鄉舉已有登第之階



只怕他學病于自足力怠於名成終爲小就而已兩日  
在外應酬世事今日想在書房弄書不免去勸勉一回  
正是不用紅粧牽李靖且將機杼激蘇秦此處已是書  
房聽介

駐馬聽悄步書堂怎麼不見書聲不聽得吟哦誦典章待  
我覷它一覷只見他一似宰予晝寢孟軻隱几夢熟黃  
梁莊周蝴蝶正顛狂周公事業成何望謾且思量想是他  
酒醒春色生微恙


〔叫介〕相公小生醒介娘子何來貼特來探你看書小生  
娘子請坐卑人神思困倦隱几而臥得一午夢十分奇

異貼願聞其詳小生娘子你聽我道

素帶兒方成睡夢一夥強徒仗劍芒只見他裸形披髮不  
似我中國衣冠模樣他攻殺來時英雄似虎狼又見許多  
婦女盡皆擄去見幾處悲號欲斷腸還思想這夢兒呵  
非常災異不比高唐

〔貼〕相公晝之所爲夜之所夢相公連日飲酒神思不寧  
致成此夢

昇平樂惆悵君心未靜感塵囂碌碌世務忙忙小生世事  
雖接我也絕無感動貼遊思妄想難保必無你或念着  
干戈搶攘和那年歲凶荒小生何曾念及于此貼終不然






夢見許多婦女敢在花街柳巷有所感動堪傷少年司  
 馬易輕狂牽惹得精神莽撞小生這個一發沒有了貼相  
 公不須疑愴却不道十二巫峰夢斷襄王小生娘子古  
 人有言寧為太平犬莫作離亂人我和你際此承平可  
 謂福矣近聞得海島倭夷造亂倘或有變應了我夢中  
 之事了如何是好你聽我道來

素帶兒家居在海邦城垣非壯承平久怎驚鼓動漁陽若  
 有此變未免漂流別境那時呵飡風宿水鄉恐破甕生  
 塵愁范丹到那時我雖要去會試如何放得你下只求沒  
 有此變便好酒祈禳願清平郊野並見鸞鳳貼相公你

有此成心故有此奇夢倭夷之變妾未嘗聞不須過慮  
 昇平樂才郎少年經緯當匡扶宇宙何憂離亂巨舟弘楫  
 應須駕龍門春浪休傷太平無象樂春光豈妄憶無端春  
 夢還期觀花上苑勿作喪家情況  
 神仗兒林相上倭夷作亂倭夷作亂人民逃竄官軍難阻  
 當把城池盡攻陷男和女盡淪亡鄉和邑盡燒殘

相公娘子不好了不好了數萬倭夷盡登海岸擄掠金  
 銀男女燒劫城郭鄉村烟焰障天冤聲載道漳泉二城  
 已被攻陷不日就到我興化來了城郭不完守禦無備  
 不可在此待死早尋避兵之計貼悲介天那有此大變



果然應了相公的夢了敢只是死也小生娘子且不要煩惱如今只要性命顧不得家了倭夷作寇不過在我沿海郡縣杭州內地必然安堵我有恩兄鄒蘭谷在彼且是嫂嫂賢慧我與你同到那里僑居幾時再作區區貼此計固好但奴家從來嬌養安能遠涉江湖况此行囊橐蕭然豈可久依親戚小生娘子事已至此無可柰何只是免死而已副末相公娘子事不宜遲既有此意早早去罷小生林相你快去收拾幾兩盤費只帶些隨身細軟其餘都撇了罷頃刻就要下船了快走快走副末小人就去顧船了相公娘子再不可遲正是棟梁遭

突厥燕子各分飛下

排歌小生家世莆田箕裘永常無端海寇猖狂百年桑柘嘆淪亡千里萍蓬傍那方合青山古綠水長江河舉目異風光途中味客裡腸豈堪回首望家邦

前腔貼金屋嬋娟漂流異疆何曾歷此淒涼愁眉一帶感春山淚滴千行酒夕陽合夫携婦子喚娘江天烽火斷人腸千江月一葦航堪嗟黃鳥寄他邦


小生兄弟當年會浙西

貼今朝患難欲相依

小生鸞鳳本是同聲鳥

貼天借風雲一處飛

第十九齣




臨江仙 旦閑堵和煦花如擁柔風簾幙搖紅轆轤聲轉粉  
墻東寶烟未冷山枕夢成空

青玉案 一年春事都來幾早過了三之二綠暗紅嬌暉  
可事鶯啼深院燕穿疎幕晝永人憔悴花間日影方纔  
計又見三分移去矣試問閑愁知幾許瓊苑春光瑤臺  
夜思總是傷情處奴家自歸鄒郎以來夙興夜寐淺泳  
深舟薪水勤供春山懶畫刺綉添燈每件讀書過夜半  
採蘩烹釜更思繼畧惜春殘且喜我相公已中鄉舉只  
是林家叔叔遠隔千山未知可曾中否向年安集夏家  
小夫人生子已經七歲正可就學但我家園清素無力  
延師如何是好且待相公望客回來與他商議

前腔 生上金門射策文星拱洋洋意氣如虹他邦同契慶  
登庸一朝雲霧起兩處並飛鴻

青玉案 人生南北如岐路世事悠悠等風絮錦瑟年華  
皆暗度三分春色二分風雨添一分愁緒伊周功業難  
憑據不學江東百六吏用舍行藏隨所遇玉堂金馬竹  
籬茅舍總是無心處相見介旦呀相公回來了生卑人  
訪客纔回旦相公爲何面有喜色生娘子我今早入城  
偶遇福建商人說我林弟得中高魁見有書寄此袖中  
出書介旦既有書請相公讀一遍生誦介莆田通家契

好關目極



弟林潤頓首拜啟大恩家蘭谷長兄先生大人丈下向  
者輕携笥笈遠荷箴規德學兼醉乃心教養遂銘諸骨  
一別跡拘南閩幾迴夢遶西湖恭聞吾兄先點朱衣已  
陟雲梯之上乘竊幸小弟謬知青眼遙分月桂之餘香  
夙昔之願少伸彼此之情允愜但願同登紫闕共展丹  
心逐盧杞以除君側之隱憂吊屈原以舒泉下之忠悃  
建業當如韓范締交不替陳雷豈非千載之奇逢一時  
之盛事第恨賢嫂尸囊未遑結草所賴仁兄引道準擬  
觀花聊附便鴻之箋慚無拜使之敬伏惟尊照不宣且  
且喜林家叔叔果得高中也不枉了昔年結義之願生  
他日立朝匡濟不患無助也娘子聽我道

賀新郎自昔交情重每相期挾持抱負天朝同用夜半燈  
前追往事今日呵喜遇春雷齊動秀才不中也罷了我既  
有進身之階須要展胸中操縱近聞得朝中奸相弄權  
朋黨悞國此正臣子撥亂反正之時錯節盤根須利器  
看水山終怕暘光瑩况我與林弟俱得僥倖這功業豈讓  
與他人安社稷我昆仲

且相公除佞驅奸撫孤恤寡本同一理相公與林叔他  
日立朝忠義固不待言只是夏家母子在我西園亦望  
相公令終如始可也

